

BESTELAKO XEDAPENAK

LEHENDAKARITZA

4966

EBAZPENA, 2013ko azaroaren 12koa, Kanpo Harremanetarako idazkari nagusiarena, Nazio Batuen erakundearen sistemako nazioarteko erakundeentzat eta erakunde horiei loturiko pertsona juridikoentzat laguntzak ematen dituen, 2013ko ekitaldian erakunde horiek herrialde txirotuetan burutzen dituzten garapen-proiektuetan parte hartzen duten lankide boluntarioei bekak emateko.

Euskal gizarteak nazioarteko elkartasunaren arloko hamaika ekimen sortzen ditu, giza garapen jasangarria sustatzea helburutzat hartuta. Ekimen horiek sarritan hemengo gazteen eskutik etortzen dira, ikuspegi desberdinak izan arren guztiak bat baitatoz uste dutelako munduaren gaur egungo antolamendua ez dela egon zitekeen bakarra, eta zenbait ekintza-molde sustatzen dituzte, instituzioetan beti oihartzunik izaten ez duten ekintzak. Horiek horrela, programa honen helburua hau da: mundu bidezkoago bat ezartzeko oinarriak jartzea. Horretarako, babesa eman behar zaio Nazio Batuen erakundearen sistemako nazioarteko erakundeek eta agentziek egiten duten lan garrantzitsuari, baldin eta giza garapen jasangarriaren arloan egiten duten lanaren printzipioak, helburuak eta lan-moldeak, giza eskubideen babesa eta zigorgabetasunaren borroka, eta gobernagarritasun demokratikoaren sustapena bat badatoz euskal gizartearen sentsibilitatearekin.

Lanbide gaitasun egokia duten EAEko gazte asko programa horretan txertatuz bideratu da laguntza hori azken urte hauetan, hain zuzen ere, Nazio Batuen sistemari atxikitako nazioarteko erakunde bati. Erakunde horiek parte hartzeak eta lankidetzarako nazioarte mailako sistema deszentralizatzeko prozesuak aukera ematen dute helburu bera duten agenteak koordinatzeko. Alde horretatik, Garapenerako Lankidetzaren Euskal Agentziak uste du lankidetzarako agenteen arteko koordinazioa beharrezkoa dela indarrak metatzeko.

Nazio Batuen sistemako nazioarteko erakundeei eta horiei atxikitako pertsona juridikoei esleitzen zaizkien laguntzak arautzen dituen otsailaren 13ko 22/2007 Dekretuaren 2. artikuluan xedatzen duenez, laguntzen deialdia urtero egingo da, garapen-lankidetzaren arloan eskumena duen sailburuaren aginduz, eta beti adierazi beharko da deialdi horretarako izendatutako zenbateko guztizkoa, hautagaitza bakoitzari dagokion oinarrizko dotazioaren gehieneko zenbatekoa eta luzapenetarako izendatutako zenbatekoa. Hautagaitzak aukeratzeko irizpide bakoitzak baloratu dituen alderdiak zehaztu beharko ditu aginduak, horien ponderazioa, eskabideak aurkezteko lekua eta epea eta eskabide-eredua.

Deialdia egiteko eskumenari dagokionez, eta kontuan izanik zer dioen, batetik, EAEko administrazioko sailak sortu, ezabatu eta aldatzeko eta horien egitekoak eta jardun-arloak finkatzeko Lehendakariaren abenduaren 15eko 20/2012 Dekretuak, eta bestetik, Lehendakariaren egitura organikoa eta funtzionala ezartzen duen apirilaren 9ko 187/2013 Dekretuak, Kanpo Harremanetarako idazkari nagusiak egin behar du diru-laguntzen deialdi hau.

Garapenerako Lankidetzaren Euskal Agentziako zuzendariak du laguntza horiek eta emango diren ebazpenak kudeatzeko eskumena, hala xedatuta baitago, batetik, Garapenerako Lankidetzaren Euskal Agentzia sortu eta arautzen duen ekainaren 19ko 5/2008 Legearen 11.2 artikuluan, eta, bestetik, Garapenerako Lankidetzaren Euskal Agentziaren antolaketa, funtzionamenduko erregelamendua onartzen duen martxoaren 23ko 95/2010 Dekretuaren 11.1 artikuluan.

Deialdi honek Garapenerako Lankidetzaren Euskal Agentziaren Kontseilu Errektorearen oniritzia jaso zuen, 2013ko urriaren 10eko bilkuran.

Bestalde, deialdi hau Enplegu eta Gizarte Politiketako Sailarekin lankidetzan egin da, Plangintzako eta Enplegu Berrikuntzako Zuzendaritzaren bitartez.

Esandako guztiagatik, honako hau

EBAZTEN DUT:

1. artikulua.– Xedea.

Nazio Batuen sistemako nazioarteko erakundeentzako eta erakunde horiei atxikitako pertsona juridikoentzako laguntzetarako 2013ko ekitaldiko deialdia egitea da ebazpen honen helburua, hala xedatuta baitago Nazio Batuen sistemako nazioarteko erakundeei eta erakunde horiei atxikitako pertsona juridikoei ematen zaizkien laguntzak arautzen dituen otsailaren 13ko 22/2007 Dekretuan. Laguntza horiek lankide boluntarioei bekak emateko dira nazioarteko erakunde horiek herrialde txirotuetan burutzen dituzten garapen-proiektuetan parte har dezaten.

2. artikulua.– Baliabide ekonomikoak.

1.– Deialdi honetako laguntzak finantzatzeko ezarritako dotazio ekonomikoa 240.000 eurokoa izango da.

2.– Luzapenetara zuzendutako zenbatekoa 192.000 eurokoa izango da. Nolanahi ere, luzapen horiek emateko beharrezkoa izango da Garapenerako Lankidetzaren Euskal Agentziaren 2014ko aurrekontuan kreditu egokia eta nahikoa izatea.

Luzapenetarako eskabideen kopurua dela-eta aipatu zenbatekoa agortzen bada, Garapenerako Lankidetzaren Euskal Agentziako zuzendariak horren berri eman beharko du, luzapen gehiagorik onar ez dadin.

3.– Diru-kopuru horiek –deialdiarena eta luzapenena– aldatu ahal izango dira, eskatutako laguntzen kopuru osoa kontuan izanda, baldin eta Garapenerako Lankidetzaren Euskal Agentziak beste laguntza-programa batzuk burutu ondoren aurrekontuko diru-kopururik ahitu gabe geratzen bada, eta betiere diru-laguntzei buruz ebazpena eman aurretik. Hori gertatuz gero, EHAAn argitaratutako Garapenerako Lankidetzaren Euskal Agentziako zuzendariaren ebazpen bidez jakinaraziko da.

Edonola ere, luzapenei zuzendutako zenbatekoak ezingo du laguntza berriei zuzendutako zenbateko osoaren % 80 gainditu.

3. artikulua.– Diru-laguntza.

1.– Hautagaitza bakoitzaren oinarritzko diru-hornidura 15.000 eurokoa izango da.

2.– Herrialde hartzailleetako bizi-mailagatiko osagarria Garapenerako Nazio Batuen Programaren (GNBP) XXXko bidaisari-eskala kontuan harturik kalkulatu da. Informazio hori www.elankidetza.euskadi.net Garapenerako Lankidetzaren Euskal Agentziaren web orrian egongo da eta, horrez gain, Agentzia horretan eskatzen dutenei ere eskuratuko zaie informazioa. Dena dela, otsailaren 13ko 22/2007 Dekretuaren 3. artikuluaaren arabera, osagarri horren zenbatekoak ezingo du gainditu hautagaitza bakoitzaren oinarritzko zenbatekoaren % 5, hau da, 750 euro.

3.– Lankide boluntarioak agentzia multilateralen eremuan jasotako prestakuntza espezifikoa –erakunde eskatzaileak antolatua edo emana denak– eragindako gastuek ezingo dute gainditu hautagaitza bakoitzari emandako laguntzaren oinarrizko zenbatekoaren % 2, hau da, 300 euro.

4.– Era berean, erakunde eskatzaileek hautagaitzen aurretiazko hautaketa eta beken jarraipena egiteko administrazio-lanek eragindako gastuek ezingo dute gainditu hautagaitza bakoitzari emandako laguntzaren oinarrizko zenbatekoaren % 1, hau da, 150 euro.

5.– Aurretik esandakoa gorabehera, otsailaren 13ko 22/2007 Dekretuaren 6.2 artikuluan aurreikusitakoarekin bat etorritik, Agentziako Kontseilu Errektoreak proposatu ahal izango du, txosten arrazoitua jaso ondoren, 6. artikuluko 1. idatzi-zatian berariaz jasota ez dagoen beste edozein kontzeptu onartzea, erakunde eskatzailearen eskabidearen izaerak hala egitea aholkatzen badu.

4. artikulua.– Eskariak aurkeztea.

Eranskinean jasota dagoen eredu normalizatuari jarraikiz aurkeztuko dira eskabideak, ebazpen hau Euskal Herriko Agintaritzaren Aldizkarian argitaratu eta biharamunetik aurrera hilabeteko epean. Herri Administrazioen Araubide Juridikoaren eta Administrazio Prozedura Erkidearen azaroaren 26ko 30/1992 Legearen 38.4 artikuluan aurreikusitako edozein bide erabiliz ere aurkeztu ahal izango dira, honako leku honetara zuzenduta:

Garapenerako Lankidetzaren Euskal Agentzia
Nafarroa kalea 2
01007 Vitoria-Gasteiz

Eskabideak aurkezteko, otsailaren 13ko 22/2007 Dekretuan ezarritako baldintza guztiak osorik eta berariaz onartu beharko dira.

5. artikulua.– Hautagaitzak aukeratzeko irizpideak eta horien ponderazioak.

Hautagaitzak aukeratzeko irizpideak eta horien ponderazioak honako hauek izango dira:

1.– Nazioarteko Erakundeak adierazitako lanari egokitzen zaion lanbide-profila eta dagokion titulazio akademikoa: 20 puntu, gehienez.

a) 10 puntu: adierazitako lana betetzeko titulazio egokia duela egiaztatzen badu.

b) 10 puntu: lanak eskatzen duen profilerako gutxienez urtebeteko esperientzia duela egiaztatzen badu.

2.– Garapenerako lankidetzaren edo generoaren arloko prestakuntza espezifikoa: 20 puntu gehienez.

a) 15 puntu: master-ikastaroren bat edo antzekoren bat egin duela egiaztatzen badu.

b) 10 puntu: adituentzako ikastaroren bat edo antzekoren bat egin duela egiaztatzen badu.

c) 5 puntu gehienez: garapenerako lankidetzaren edo generoaren arloarekin loturiko ikastaro espezifikoa egin dituela egiaztatzen badu.

– 20 eta 40 ordu bitarteko ikastaroak: puntu 1, ikastaro bakoitzeko.

– 41 eta 60 ordu bitarteko ikastaroak: puntu 2, ikastaro bakoitzeko.

– 61 ordu edo gehiagoko ikastaroak: 4 puntu.

3.– Lankidearen lana txertatzen deneko programen edo proiektuen eta Garapenerako Lankidetzaren Euskal Agentziatik bultzatzen den lankidetzaren arteko lotura sinergikoa: 20 puntu gehienez.

a) 20 puntu: Garapenerako Lankidetzaren Euskal Agentziak lankidetzaren hitzarmena sinatu dueneko nazioarteko erakunderen bateko bulegoetan garatzen bada zeregina.

b) 10 puntu: honako jarduera-sektore hauetan kokatzen diren programa edo proiektuetan txertatzen bada zeregina: lehentasunezko gizarte-premiak, herri-ekonomia, tokiko agintea, giza eskubideak eta kultura-nortasuna.

4.– Lankideak ekintza garatuko dueneko bulegoak eskatzen duen/dituen hizkuntza/k jakitea: 10 puntu gehienez.

a) 5 puntu: Hizkuntza Eskola Ofizialeko B1 mailaren baliokidea.

b) 8 puntu: Hizkuntza Eskola Ofizialeko B2 mailaren baliokidea.

c) 10 puntu: Hizkuntza Eskola Ofizialeko C1 mailaren baliokidea.

5.– Euskal Autonomia Erkidegoko izaera sozial eta humanitarioko erakunde edo programei aktiboki lotuta egotea: 20 puntu gehienez.

a) 20 puntu: boluntariotzan edo lankidetzan 5 urte edo gehiagoko esperientzia egiaztatzen badu.

b) 10 puntu: boluntariotzan edo lankidetzan hiru urtetik bostera bitarteko esperientzia egiaztatzen badu.

c) 5 puntu gehienez: boluntariotzan edo lankidetzan hiru urte baino gutxiagoko eta gutxienez hiru hilabeteko esperientzia duela egiaztatzen badu.

6.– Lankideak bere zeregina betetzen dueneko eremu geografikoa: 10 puntu proiektua honako herri hauetako batean gauzatzen bada: El Salvador, Guatemala, Honduras, Nikaragua, Mexiko, Brasil, Kuba, Bolivia, Kolonbia, Ekuador, Peru eta Venezuela; Boli Kosta, Ruanda, Mozambike, Saharar Errepublikak Arabiar Demokratikoa, Kongoko Errepublikak Demokratikoa, Angola, Palestina eta India.

6. artikulua.– Eskabideak ebatzea.

Garapenerako Lankidetzaren Euskal Agentziako zuzendariak emango dio bukaera deialdiari, Zuzendaritza Kontseiluak proposaturik.

AZKEN XEDAPENETATIK LEHENENGOA

Laguntza-programa honi buruz ebazpen honetan jasota ez dauden gainerako gaiei dagokienez, otsailaren 13ko 22/2007 Dekretuan ezarritakoa bete beharko da. Dekretu horren bidez, Nazio Batuen sistemako nazioarteko erakundeei eta horiei atxikitako pertsona juridikoei esleitzen zaizkien laguntzak arautzen dira, hain zuzen ere nazioarteko erakunde horiek herrialde txirotuetan garatzen dituzten garapen-proiektuetan parte hartzen duten borondatezko lankideei bekak emateko.

AZKEN XEDAPENETATIK BIGARRENA

Ebazpen honek bukaera ematen dio administrazio-bideari, eta, beraren aurka, berraztertze-errekurtsoa jarri ahal izango zaio Kanpo Harremanetarako Idazkaritza Nagusiari, hilabeteko epean, ebazpena EHAAn argitaratu eta biharamunetik hasita; bestela, administrazioarekiko

auzi-errekurtsoa aurkez daiteke, Administrazioarekiko Auzien Epaitegian, bi hilabeteko epean, ebazpena EHAAn argitaratu eta biharamunetik hasita.

AZKEN XEDAPENETATIK HIRUGARRENA

Ebazpen honek EHAAn argitaratu eta biharamunetik aurrera izango ditu ondorioak.

Vitoria-Gasteiz, 2013ko azaroaren 12a.

Kanpo Harremanetarako idazkari nagusia,
MARÍA ÁNGELES ELORZA ZUBIRÍA.

ERANSKINA

NAZIO BATUEN SISTEMAKO NAZIOARTEKO ERAKUNDEEI ETA HORIEI ATXIKITAKO PERTSONA JURIDIKOENTZAKO LAGUNTZAK JASOTZEKO ESKABIDEA, NAZIOARTEKO ERAKUNDE HORIEK HERRIALDE TXIROTUETAN GAUZATZEN DITUZTEN GARAPEN-PROIEKTUETAN PARTE HARTZEN DUTEN BORONDATEZKO LANKIDEEI BEKAK EMATEKO (NBE-2013)

Garapenerako Lankidetzaren Euskal Agentziako zuzendariari:

Erakunde eskatzailea:

Lankide boluntarioaren izena eta NANA:

Proiektuan noiz hasiko den lanean lankide boluntarioa:

Deialdia:

Erregistro-zenbakia:

Data:

Jarduera-arloa:

- ☐ Markatu lauki hau, Garapenerako Lankidetzaren Euskal Agentziaren adierazpenak jaso nahi badituzu, eskabidean adierazitako helbide elektronikoan.

I.– INFORMAZIO OROKORRA:

1.– Proiektua aurkezteko datuak:

Proiektuaren izenburua (hamar hitz gehienez):

Herrialdea/eremu geografikoa:

Erakunde eskatzailea (izen ofiziala):

Helbidea/erakundearen egoitza:

Telefonia / Faxe:

Helbide elektronikoa:

IFZ:

Eratze-data:

Nortasun juridikoa:

Kontu-zenbakia eta banku-datuak:

Pertsona ahaldua eta kargua:

Eskaeraren ardura bere gain hartzen duela adierazteko sinadura:

Harremanetarako pertsona:

2.– Iraunaldia:

Aurreikusitako hasiera-data:

Aurreikusitako amaiera-data:

Gauzatzeko aldia, guztira (hilabeteak):

3.– Finantzaketa:

Eusko Jaurlaritzari eskatutako diru-laguntza:

II.– HAUTAGAITZARI BURUZKO INFORMAZIOA.

1.– Proiektuaren eta jardueren deskribapen xehatua (deskribatu, 25-50 lerrotan, proiektuaren edukia, daturik garantzitsuenak adierazita):

2.– Lankide boluntarioak proiektuan bete beharreko funtzioen eta txertatuko den organigramaren deskribapen xehatua.

2.1.– Lankide boluntarioak bete beharreko zereginak:

2.2.– Zer organigramatan txertatuko den lankide boluntarioa:

3.– Kokapen xehatua:

4.– Lortu nahi diren emaitzak (deskribatu, 10-20 lerrotan, lankide boluntarioari eta proiektuari dagokienez lortu nahi diren emaitzak):

4.1.– Lortu nahi diren emaitzak:

4.2.– Emaitzen lorpen-mailaren adierazleak:

4.3.– Adierazleak egiaztatzeko iturriak:

5.– Proiekturako behar den lankide boluntarioaren profila, egokitza jotzen den titulazioa adierazita:

6.– Garapenerako Lankidetzaren Euskal Agentziak Herrialde hartzailean bultzatzen duen gainerako lankidetzarekiko balizko sinergiak:

--

7.– Proiektuaren helburuak eta finantzaketa:

Partidak	Zenbatekoa
Lankidearen ordain-saria	
Aseguru-gastuak	
Helbide-herrialdera joateko lankideak izango dituen garraio-gastuak	
Bizi-mailagatiko osagarria	
Prestakuntza- eta kudeaketa-gastuak	
Beste gastu batzuk (ikusi 3.5 artikulua)	
Guztira	

III.– LANKIDE BOLUNTARIOAREN CURRICULUM VITAE-A:

1.– Informazio orokorra:

Izen-abizenak:
 NAN: Jaiotze-data:
 Helbidea: Udalerria:
 Probintzia: PK:
 Telefonoa: Faxe:
 Posta elektronikoa:

2.– Informazio akademikoa:

2.1.– Ikasketa-tituluak:

Lizentziatua (zer arlotan adierazi):
 Zentroa:
 Ikasketak amaitu direneko data:
 Ikasketa-ziurtagiriko kalifikazioa:

2.2.– Egindako graduondoko ikastaroak:

Izena:
 Zentroa:
 Iraupena: Lortutako kalifikazioa:
 Izena:
 Zentroa:
 Iraupena: Lortutako kalifikazioa:

2.3.– Burututako beste ikasketa edo ikastaro batzuk:

Izena:

Zentroa:

Iraupena: Lortutako kalifikazioa:

Izena:

Zentroa:

Iraupena: Lortutako kalifikazioa:

3.– Hizkuntzak:

Lankide boluntarioak bere lana burutuko duen eskualdean erabiltzen den/diren hizkuntza/k.

Lankideak egiaztatutako hizkuntzak:

Egiaztatutako hizkuntza	Maila

4.– Ibilbide profesionala:

4.1.– Jasotako bekak eta laguntzak:

Entitatea	Bekaren izena	Hasiera-data	Iraupena

4.2.– Lan-esperientzia:

--

5.– Egindako lanak eta argitalpenak:

Izena:

Non argitaratu den:Data:

Izena:

Non argitaratu den:Data:

Izena:

Non argitaratu den:Data:

6.– Beste datu interesgarri batzuk:

--

IV.– AURKEZTU BEHARREKO AGIRI OSAGARRIAK:

1.– Batzorde nazionalei eta/edo autonomikoei buruzko dokumentazioa/informazioa (informazio hau behin bakarrik erantsiko da, deialdian aurkezturiko proiektuen kopurua edozein izanik ere):

a) Honako fotokopia konpultsatu hauek: erakundearen estatutuena, dagokion erregistroan izena ematearena eta eskabidea izenpetzen duenaren ahalordetzearena (erakunde eskatzailea lehen aldiz aurkeztan bada, edota aurreko urteetan aurkeztutako dokumentazioarekiko aldaketarik izan bada).

b) Erakundearen organigrama. EAEko langile ordainduak eta ordaindu gabeak. Boluntarioak edo laguntzaileak, bazkide-kopurua, boluntarioak, laguntzaileak edo erakundeko kideak.

c) Identifikazio Fiskaleko Zenbakiaren (IFZ) txartelaren fotokopia.

d) Zerga-betebeharrak eta Gizarte Segurantzarekikoak egunean dituztela adieraziko duen ziurtagiria.

e) Tokiko bulegoek hautagaitza bakoitzarentzat eta eskatutako hautagaitza-profil bakoitzarentzat idatzitako erreferentziazko baldintzak aurkeztea, ahalik eta modu zehatzenean.

f) Egindako aurretiazko aukeraketa-prozesua zehazten duen txostena. Txosten horrek honako hauek zehaztuko ditu gutxienez: deialdiaren berri emateko erabili den sistema, programan parte hartzea eskatu dutenen kopurua eta horien prestakuntza-eta lanbide-arloko profila, eta erabili den hautaketa-sistema.

g) Diru-laguntzak edo laguntza publikoak eskuratzeko aukerak galtzea dakarren zehapen penalik edo administratiborik ez izatea (sexu bazterkeriagatik jarritako zehapenak barne) -dagokion zehapenean ezarritako epean- eta laguntzak jasotzeko ezgaituko lukeen inolako lege-debekuren eraginpean ez izatea adieraziko duen zinpeko edo erantzukizuneko aitortpena.

h) Euskal Autonomia Erkidegoko Administrazio Orokorrak edo haren erakunde autonomiadunek emandako ezaugarri bereko beste laguntza edo diru-laguntza batzuen esparruan hasi zen eta oraindik bideratzen ari den itzultzeko edo zigortzeko ezein prozeduratan sartuta ez egotearen egiaztagiria.

i) Emango diren prestakuntza-moduluen memoria eta modulu horiek emango dituzten hizlariak.

2.– Pertsona juridikoei buruzko dokumentazioa/informazioa (informazio hau behin bakarrik erantsiko da deialdian aurkezturiko proiektuen kopurua edozein izanik ere):

Aurreko idatzi-zatian adierazitakoez gain, Nazio Batuen Batzorde Nazional edo Autonomikoarekin egindako akordio, hitzarmen edota protokoloak behar bezala egiaztatzeke dokumentazioa aurkeztu beharko da. Batzorde horren bitartez gauzatu beharko da nahitaez lankide boluntarioa txertatzen deneko proiektua.

3.– Lankide boluntarioaren dokumentazioa/informazioa:

a) 2013ko urtarrilaren 1ean gutxienez 12 hilabeteko antzinatasuneko administrazio-herrikidetasuna duela frogatzen duen errolda-ziurtagiria. Baldintza hori ezin bada bete pertsona hori herrialde txirotuetan lankidetzan lan egiten egoteagatik, egoera hori frogatzen duen eta lan horiek egitera joan baino lehen EAEn administrazio-herrikidetasuna gutxienez urtebetez izan duela frogatzen duen dokumentua aurkeztu beharko ditu.

b) Lankide boluntarioaren argazkia, nortasun-agiriaren neurrikoa.

c) Lankidearen NANaren fotokopia.

d) Curriculum vitae-a egiaztatzea. Titulazioa egiaztatzeke, honako dokumentu hauetakoren baten fotokopia konpultsatua aurkeztu beharko da: 1.– titulua, edo 2.– titulua emateko eskubideak ordaindu izanaren frogagiria, edo 3.– ikasketa-espedienteko nota, titulazioari dagokion proba orokorra gainditu izana eta titulua lortzeko eskubideak ordaindu izana adierazten duela.

e) Homologazio-eskaeraren ebazpenaren zain daudenek edo eskaera hori egin ez dutenek baina urtarrilaren 16ko 86/1987 Errege Dekretuaren 16.1 artikuluan ezarritakoari jarraiki atzerriko titulua homologatu gabe titulu horrekin espainiar unibertsitateetako graduondoko ikasketetan sartu direnek –ikasketa horiek egiteko aurretik bete beharreko baldintza bigarren zikloko ikasketen baliokidea den unibertsitate titulua izatea baita (lizentziatua, ingeniaria edo arkitektoa)– ziurtatzeko dokumentu gisa ateratako titulua aurkeztu ahal izango dute programa horiek egin zituzten unibertsitateko erretorearen baimenarekin edo haren matrikulazioa berariaz baimendu zuen doktoretza-batzordearen irizpenaren kopiarekin batera, aurkeztu den titulua eta atzerriko ikasketa-espedientea egin beharreko espezializazio-ikasketen eskakizunekin bat datorrela aldez aurretik egiaztatuta ondoren.

f) Hizkuntzen ezaguera eta egindako ikastaroak egiaztatzen dituzten dokumentuak.

g) Garapen-lankidetzan edota genero arloan prestakuntza bereziaren jabetza egiaztatzen duten dokumentuak.

h) Erakundearen ziurtagiria, eskatzailearen eta horren zereginaren arteko lotura egiaztatzen duena.

4.– Otsailaren 13ko 22/2007 Dekretuko 5.2.a) artikuluan adierazitako idatzi-zatiak biltzen dituen erakunde eskatzailearen eta bekadunaren artean izenpetutako hitzarmenaren dokumentua.

5.– Lankide boluntarioaren lana garatuko den Nazioarteko Erakundearen bulegoaren eta erakunde eskatzailearen artean izenpetutako hitzarmenaren dokumentua. Dokumentu horretan gutxienez honako hau zehaztuko da: lankideari lana behar bezala egiteko beharrezko baldintza materialak eta teknikoak emateko konpromisoa lana garatuko deneko bulegoaren aldetik, baita oporrak eta barne-prestakuntza emateko konpromisoa ere.

6.– Emango diren prestakuntza-moduluak eta modulu horiek emango dituzten irakasleak.

V.– DATU PERTSONALEN BABESA:

Datu Pertsonalen Babesari buruzko abenduaren 13ko 15/1999 Lege Organikoak xedatutakoa betez, jakinarazten dizugu eskabidea betez eman dizkiguzun datuak Garapenerako Lankidetzaren Euskal Agentziaren fitxategi automatizatu batean sartuko direla, izapidetze-lanak egiteko.

Hala nahi dutenek, Legean aurreikusitako eskuratzeko, zuzentzeko, deuseztatzeko eta aurka egiteko eskubideak baliatu ahal izango dituzte Garapenerako Lankidetzaren Euskal Agentzian (Nafarroa kalea 2, 01007, Vitoria-Gasteiz).